

弓長翁者傳云踐約來會萬三請見則三丰祖師也祖師笑曰猶記東南氣盛西南相見之語乎萬三爽然因與煉天元服食大藥明年始成萬三與全家餌之皆能冲舉

圓通子曰撒手貲財即成上仙其濟濟已多矣

游鶴鳴山

洪武末有道人游邛之鶴鳴山山有二十四洞以應二十四氣道人入山時石鶴復鳴人咸驚異居半載入天谷洞不出洞門書三丰游此四字時已一百餘歲矣蜀通志作三百餘歲似誤

圓通子曰奇

題詩警禍

道藏輯要

三丰全集

顯蹟

三

續畢集七

川，又8

建文嗣位初戶部門前薄暝有老翁閒步如土地形狀者風過處忽不見明晨覘雙扉上於右扉題一詩云燕子將營壘一作巢閣龍孫不在潭波平風又起海上問三三末三字寫於雙扉交關處人多不解戶部侍郎卓敬見之以爲三字寫門中蓋借門縫作丰字中畫也心知爲三丰仙翁並念燕子者是指燕王龍孫者是指建文其語殊凶其字旋落卓乃密疏請徙封燕王隸於南昌萬一有變尙可控制疏入竟不聽

圓通子曰卓侍郎聰明可愛惜忠言逆耳致使燕封篡位吾師其亦不得已而題詩歟不然豈不知建文之不聽哉

混洞原師

永樂初有客游京師丰姿清矯拂拂修髯而衣服禮容似公
車客狀居京頗久與戶科給事中胡濙相契常作詩酒之會喜
擬文選體多不存稿客聞朝中僚屬事畢閒談多言神仙事又
聞侍讀胡廣欲舉張三丰仙術上聞客心厭之一日飲於客齋
忽謂胡濙曰吾友善事明君我將遠引深山也濙驚叩其故不
答數叩之乃掀髯笑曰吾卽三丰子也言畢逕去不知所往其
後胡濙訪三丰祖師因有卻憶故人從此隱題詩誰似鮑參軍
之句云

一晤因緣

永樂四年冬詹事府主簿南陽張朝用常見一道人行止異奇
道藏輯要
三丰全集 顯蹟
元續畢集七
足不履地手撚梅花口吟秋水趨前詢之乃三丰仙翁也明年
帝命胡濙游訪因薦朝用同行已不知其去向矣

道示明玉

永樂中有羽客游內江寓明玉道家詭云龐姓微示以異嘗
履極險不墜涉水無少濡明玉善符咒多奇驗欲傳授羽客羽
客笑曰我以道俸君君乃以法授我耶乃作道法會同疏一通
與之明玉大驚跪請其名號乃知爲三丰祖師也居歲餘胡濙
物色之遂不留四川通志遂同玉見胡尋又來往峩眉山中

明殿飛昇

明成祖自遇西僧哈立麻之後頗萌道心尙書胡廣因言張三